



Informacion general Aruba Doet

Aruba Doet tin como meta pa stimula e comunidad pa bira boluntario, mientras cu simultaneamente beneficia e organisacionnan. Aruba Doet ta duna e oportunidad na organisacionnan social pa realisa trabaonan of actividadnan pa nan organizacion cu ayudo di boluntarionan. Proyectonan manera: pinta un muraya, renoba un speeltuín, organisá un salida pa hende grandi of traha un heki nobo na un shelter pa bestia.

Aruba Doet 2025

Ariba diabierna 16 y diasabra 17 di mei 2025 CEDE ARUBA, den cooperacion cu Oranje Fonds, ta organisando e di **13 aña** consecutivo di Aruba Doet!

Bo ta desea di duna un man pa algun ora na un fundacion, scol, club deportivo, club di padvinders, cas di hende grandi of un organizacion social?

uni hunto cu Aruba Doet y bira parti di un di e iniciativanan boluntario mas grandi di Aruba. Registra riba nos website www.arubadoet.com y participa den proyectonan divertido.

Alma y Curason

Boluntarionan ta e alma y curason di organisacionnan comunitario. Via Aruba Doet, CEDE ARUBA y Oranje Fonds nos lo kier pone enfasis ariba e importancia cu un ciudadano involucra tin pa e comunidad den su totalidad. Aruba Doet ta yuda mehora e imagen di trabounan boluntario y ta muestra con leuk esaki por ta.

Kico abo como boluntario ta haya a cambio di bo participacion den Aruba Doet?

Ta parti di Aruba Doet lo duna e isla un impulso positivo. E organizacionan cu ta participa lo por logra metanan cu sin bo ayudo porta nan no lo logra. Adicional esaki lo bira sigur un dia hopi agradabel y cu yen di inspiracion!

Con bo por participa?

Entrante februari 2025 lo por mira diferente proyectonan interesante ariba e website di www.arubadoet.com. Por inscribi como boluntario sea como persona particular of como grupo directamente via e website tambe lo por tuma contacto cu e organizacion cu bo a selecta pa haya mas detaye y pa intercambia informacion. Busca un proyecto leuk y inscribi!

Kico ta NL DOET, ARUBA DOET, BON DOET, CURA DOET, SXM DOET, STATIA DOET y SABA DOET?

Oranje Fonds ta organisa den cooperacion cu miles di organisacionnan comunitario, e iniciativa boluntario di mas grandi di e Reino Hulandes: Hulanda, Aruba, Boneiro, Curaçao, Sint-Maarten, Sint-Eustatius y Saba. E shete iniciativanan aki ta pone e trabou boluntario den un luz positivo y ta stimula tur hende pa saca un man pa (un parti di) un dia.

Aruba Doet den cifra

Na 2024, mas cu 3,500 persona a participa na 172 proyectonan na Aruba.

Oranje Fonds

Rey Willem-Alexander en Reina Maxima ta e patronanan protector oficial di Oranje Fonds, Oranje Fonds ta e fondo national di mas grandi riba tereno comunitario y ta ilustra e miho cu Reino Hulandes tin di ofrece. Anualmente, mas o menos 30 miyon Euro ta wordo duna como sosten na organisacionnan y iniciativanan cu ta reforsa e union social na Hulanda como tambe den e Caribe Hulandes.

CEDE ARUBA – organisador di Aruba Doet

CEDE ARUBA ta un fondo autonomo Arubano cu ta dirigi su mes riba reforsa e comunidad civil den un sociedad balansa. E ta fungi como un brug duradero entre, un banda iniciativanan particular, NGO nan cu ta fuerte proactivo y cu bn coordinacion y di otro banda, e suministradornan di recursonan local y internacional. E ta e fondo Arubano di mas grandi y importante, cu di un manera profesional ta reconoce e necesidadnan comunitario y cu riba un manera creativo ta bin cu solucionnan. CEDE ARUBA ta reconocí como un organizacion confiabel, caminda tur hende por yega pa conseho y ayudo riba tereno di progreso sostenibel social y educativo.

Contact

Aruba Doet ta un campaña conhuntamente di CEDE ARUBA y di Oranje Fonds. Lo bo kier sa mas di Aruba Doet?

Tuma contacto cu:

CEDE ARUBA

Beatrixstraat 8

Celular +297-561 1644

Oficina +297-582 7666

Email: arubadoet@cedearuba.org

Facebook: www.facebook.com/ARUBADOET